

Chhuah tan - Oct. 1984

February, 2014

RAMTHAR



Email: ramtharchanchinbu@gmail.com

Fax No. 0389-2316410



**NI 5 JAN 2014 MISSIONARY 173 TIRH CHHUAHTE
LEH MISSION BOARD HOTUTE
MISSION VENGTHLANG KOHHRAN BIAK IN**

SERMON

'Khenbeh ngam Isua'....phêk 6-na

Ramthar Association Chanchinbu Thla kip Chhuak**Editorial Board 2013 - 15**

Editor	: Rev. Thangzauva	9612950043 (M)
Joint Editors	: Upa Lalrinmuana	9436142643 (M)
	: Upa Zoramthanga	9436362385 (M)
	: H. Lalnguriani	9774390980 (M)
News Editor	: Lalbiakenga Fanai	9436366234 (M)
Manager	: R. Lalchhanhima	8575013800 (M)
Publisher	: Rev. Lalchhuanmawia	9615952406 (M)

Member-te

Rev. K.Lalhmuchhuaka	: Synod Moderator
Upa H. Zoliana	: Synod Secretary(Sr.)
Rev. P.C. Pachhunga	: Exe. Secy./c. Mission etc.
Rev. C. Chawngliana	: BEC Member
Upa F. Lalfakzuala	: BEC Member



Thu chhuah tur nei chuan Email- ramtharchanchinbu@gmail.com -ah emaw Phek lehlam chauhah ziakin Editor emaw Manager, Ramthar Chanchinbu, Synod Office, Aizawl - 796001, Mizoram, India, hnenah thawn tur a ni e.



Ramthar chanchinbu thu chhuahte hi ziaktu mawhphurhna a ni e.

Kum khat lâk man - Cheng 50.00**A chhûnga thu awmte**

		phêk
1. Editor thu khawchâng	-	1
2. Keimahni	-	2-4
3. Hriatzauna Huang	-	5
4. Sermon	-	6-7
5. Buh hmun aţangin	-	8-19
(1) Cambodia rama kan ring thar a thi.....		
(2) Buh hmun aţangin...		
(3) Lalpan thil ropui min tihsak e....		
(4) Patharkandi lamah aw!....		
6. Sum enkawl - a thlarâu ruhkaw! lai		
7. 'RAMTHAR FEH'	-	20
8. 'RAMTHAR' Kum 10+ sem lawmman latute	-	31
9. Missionary chawm tam Kohhran 20	-	32



KHAWVÊL - LALPA TÂN

Kkhawvêl hi sakhuana khawvêl, Pathian rin lohna khawvêl emaw, Pathian ngaihsak lohna khawvêl tiin emaw a sawi theih awm e. Ringtute tân erawh chuan 'beiseina khawvêl' tiin a sawi theih bawk awm e.

Khawvêl hi Pathian thlawhhma, a buh hmun, a lo ni a. Ringhlela awm te, rin lohna zawng zawng te hi Pathian tâna sengkhawm an lo niha, a duh zawng tihna a lo nih vek theih nân kan Pathian chuan hna thawkin thil a ti t̃ha t̃hin a. Johana chuan beiseina rilru nen sawi chhuakin, 'khawvêl zawng zawng hi kan Lalpa leh a Krista ram a lo ni ta; ani chuan chatuanin ro a rêl ang', a lo ti a.

He Pathian rilru hria hian Mizoram Synod Mission Board pawh hian Chanchin T̃ha puandarh hna hi a lo kalpui zel a. Mission Board a din (1947) hma pawh khân Chanchin T̃ha hrîl darh hna hi a pian chhuahpui avangin mi t̃hahnemngai eng emaw zatin ram thim/ tharah ring lote hnenah Chanchin T̃ha chu an fehchhuahpui a.

Kum 1910 khân Vanzika, Savawma, Thangchhingpuia te chu Senvawn, Manipur-ah an kal a; Tripura-ah Hrangvunga; Rev. T̃hianga, Halflong-ah (1913); Rev. R. Dala, Senvawn, Manipur-ah (1913); Lalbuaia leh Saizinga, Langrong-ho zingah (Tripura) -1925; Rev. Lalthanga, Burma (Myanmar)-ah (1959); Rev. Rokhuma leh Upa K. Saibela, Karbi Anglong-ah (1968); T̃irhkoh Thangzawna Bru-ho zingah (1947).

Synod Mission Board chuan Jan ni 5, 2014 (Pathianni) khân Mission Vengthlang Kohhran Biak Inah Missionary 173 a t̃irchhuak leh ta. Tunah hian Mizoram Synod Mission Board hnuaiah hian thawktu 2340 lai an ni ta. Khawvêl mamawh Isua Krista pe turin an chhuak ve leh ta. An tân i t̃awngt̃ai zel ang u.

Thawk zel la i thawhah lawm rawh
Thawhrim chu chawlhna nuam a ni.

• • •

KEIMAHNI

† **Ringthar:** November, 2013 chhùngin Lalpan ring thar 441 min peh leh ta. Jan-November, 2013 thlenga ring thar kan neih dan hetiang hi a ni e: Lalpa kan lawm e.

KUM 2013 JAN - DEC. CHHÙNGA RINGTHARZAT

Sl.No.	Buhmun	Missionary	Jan-Jun	July	Aug	Sept	Oct	Nov	Dec	Avai in
1	Aru. 'E' Mission Field	68	35	4	4	3		12	1	59
2	Aru. 'W' Mission Field	93	140	41		56	25	4	17	283
3	Assam Field	69	35	3	32	3	7	9	5	94
4	Barak Area (PM+Bengali)	73	64	8	28	18	19	16	17	170
5	Cachar Tlang	69	36	17				né/lo		53
6	Delhi Mission Field	17	78	3	2	5	1	5	4	98
7	Home Mission 'N'	163	71		13		19	né/lo	4	107
8	Home Mission South	211	55	11	141	23	84	57	31	402
9	Jharkhand Mission Field	28	308	59	45	38	93	72	113	728
10	Karbi Anglong Mission Field	123	56	18	66	19	7	20		186
11	Kolkata Mission Field	20	108	30	61	36		26	20	281
12	Lucknow Mission Field	24	154	20	22	26	31	3	8	264
13	Nepal Mission Field	37	96	20	15	43	11	3	16	204
14	Patna Mission Field	27	82	45	27	38	5	né/lo	35	232
15	Shiliguri Mission Field	37	58	8	10	10	6	5	11	108
16	Tripura Mission Field	143	1092	146		333	202	82	171	2026
17	Mashi Sangati, Mizoram	6	683	153	233	72	126	133	59	1459
	BELH KHAWM	1208	3151	586	699	723	636	447	512	6754

1. **SMB hnuaia thawktu zz.=2300 (Thawktu dinhmun hi dangam renga ni.**

(**Ho-ah a thar beh an la ni lo**)

2. **Kar awl hi 'né/lo' enaw 'dawn hman loh' enaw a ni e**

3. **Buhmun Ringthar dinhmun hi a zat diah la hriat kim hman loh a awm.**

† **Tuarpuina:** (1) Ni 2 Jan., 2014 khan 5.30 vel kan Rev. JH Zaikima (Fld.Secy., Karbi Anglong) pa leh Evangelist Ty. Ramthanmawia (Jharkhand Fld) Pu Darthuama(82) chuan T.B leh pumna avângin chatuan ram an pansan ta. (2) Cachar Tlangram Gospel Team Leader Pu C. Lalnuntluanga fapa Zonunmawia (30), IR Battalion Bungthum a thawk mêk chu ni 7.1.14 khan Kawrthah Hospital-ah a boral. Heng kan rawngbâwlpuite hi SMB-in a tuarpui takzet a, Pathian Thlarau Thianghlim awmpuina leh thlamuanna an chan theih nan i tawngtaisak ang u.

† **Missionary 173 Tirh chhuah an ni:** Ni 5 Jan., 2014 (Pathianni)

khan Mission Vengthlang Kohhran Biak Inah Missionary 173 lai Synod Moderator Rev. Lalhmuchhuaka'n Mizoram Synod aiawhin a tir chhuak leh ta. He Tìrh chhuah Inkhawm hi Rev. Lalchhuanmawia, Secy.(SMB)-in a kaihruaia, Upa Lalrinmuana, Co-ordinator (SMB)-in Tìrh chhuahte a hmelhriattir a. Moderator-in fuihna thuchah a sawi a, Mizoram Synod Zaipawl (Choir) leh Mission Vengthlang Bial Zaipawl bakah Tìrh chhuahte'n Pathian fakna hla an hlan a, an aiawhin mi pahnihin thu an sawi baw. He Missionary Tìrh chhuah Inkhawm hi Kohhranin a hlutsak hle a, mi 3000 chuang zet an inkhawm.

† **Sukhmohan P/S Biak In hawng:** Ni 29 Dec. 2013 (Pathianni) khan Sukhmohan P/S Biak In Hawngin Rev. Lalchhuanmawia, Secy.(SMB), Pu R. Lalchhanhima, Pu Darrozama leh Tv. Lalramchhana te Tripura-ah an kal. He Biak In hi Udaipur Bial chhûnga awm a ni a, Tuikual South Kohhran hmalaknaa sak puitlin a ni a, chawhma lamah Rev. Lalchhuanmawia'n a hawng a, chawhnu lamah Bialtu Pastor-in Lalpa Zanriah a buatsaih a, Rev. Lalchhuanmawia'n mi 14 baptisma a chantir baw.

† **Khawtlâng ensan Pu Putul Phukan chhûngte'n baptisma an chang:** Putul Phukan (Notun nagar khawtlâng hruaitu, July ni 11, 2013-a baptisma chan avânga khawtlâng ensan hlauh ta) nau leh a nupui fanaute (an vaiin 5) chuan anmahni duhthlanna ngeiin 1st January 2014 khan baptisma an chang ve leh ta. An pa baptisma chan hnuah mumal takin an pa an zui thin a, mu tân eng emaw nei reng chung a rilru Lalpa lama hnai hret hret chu siam puma awmin, Krismas ni-a kan thalaite'n Biak In kawta Bible *tract* an lo chhawp chu a hawn a, nu ber Purabi Phukan thinlung a keh ta. "Heti em hian a ni maw Isua hian min lo hmangaih le!" tiin a rang thei ang bera baptisma chan a duh ta a, chu duhna chu a fate leh a pasala nau chuan an lo jawmpui ta a ni. Lalpa chu fakin awm rawh se.

† **Belpei-ah ring thar:** Ni 05.01.'14 khan Bialtu Pastor Vanlaṭana'n Buddhist sakhaw zuitute aṭangin, Lal Isua zuia, thih thlenga Ama tâna rinawm tura intiamin, puitling 17 leh naupang 6 te chu Baptisma a chantir. Belpei hi Home Mission South-a awm niin, Lunglei aṭangin km 80 a ni. A mi chengte hi Chakma an ni, khaw chhûngah hian In 230 bawr vel a awm a, mihring 2000 chuang an awm baw.

† **Kum thar 2014 ni hmasa berah Baptisma:** Ni 5/Jan/'14 (Pathian ni) hian Pecharthol Kohhran, Darchawi Bial, Tripura-ah mi 12 (Puitling 3 leh Naupang 9) in Rev. Lalhruaitluanga Ralte kutah Baptisma an chang. Pecharthol Kohhran hian Kumin Project atân Ring thar 50 kan target a, Pathian tanpuinaa an target te an tlin ngei theih nan Kohhranho tawngtaipuina an ngen e.

† **Patna Field-ah ring thar:** Ni 29th Dec., 2013 khan Patna North Pastor Bial, Samastipur-ah puitling mi 17 in Bialtu Pastor Zairemtluanga kutah Baptisma an chang. Ni 27 Dec., (Zirtawpni) khan Khagaria Bial, Khagaria-ah puitling 1 leh naupang 3 in Bialtu Pastor Zorammawia kutah Baptisma an chang tawh bawk a ni.

† **Madhuripathar Kohhranah ringthar:** Ni 12.01.2014 khân St. Peter Kohhran Madhuripathar Aru.' 'W' lam pawh kumin chhûnga ringthar 5 an neihna a ni, nufa zain baptisma an chang leh hlahu mai. Madhuripathar Kohhran hian kumin chhûng hian ringthar 100 an tarket a, i tawngtaipui ang u.

† **Bungraw chuh hman lova in kâng:** Ni 12.01.2014 (Pathianni) khân Calvary High School, Tuidu, Tripura Field-a thawk Pi Bonny Lalremruati te chênna in chu bungraw eng mah chuh hman lohvin a kâng ral vek. Tawngtaipui ila.

† **Synod Office-in thlah:** Ni 6.1.2014 khân heng kan rawngbawlpui upat pensawna chhuakte hi Synod Office-ah thlahna inkhawm hun hman a ni:

- (1) Rev. Vanlalzuata -Sr. Exe. Secy
- (2) Upa H. Ngurkhuma - Mission Promoter
- (3) Lalzawngliana - Duftry
- (4) R. Lalchhanhima - Manager 'RAMTHAR'

He inthlahna inkhawm hi Rev. Lalzuithanga'n a kaihruaia, Synod Office, Asst. Supt.-in 'Rawngbâwltu Pension Certificate' a hlân a. Rev. P.C. Pachhûnga, Exe. Secy. i/c. Mission-in thlahna thuchah a sawi. Heng bâkah hian Missionary pensawnte chu: Pu K. Lalchhawna, Pu H. Thanchunga, Upa H. Lallianngûra, Pi Mukta Chhetry leh Pi Hauthangpuui te an ni. Masihi Sangati atângin mi 11 an pensawn ta bawk. Pensawn thlenga rawngbawltute hi an fakawmin an chhuanawm takzeta, chutih rualin an uiawm hle a ni. Pathianin malsawmnain vur zui zel rawh se.



Hriatzauna Huang

Khawvêl hriat tham sakhaw hrang hrang dinhmun
Adherents.com ațanga hriat dan thlîr hian ring lo mi tam zia hi, a
 veitu tak tak tân chuan mutthlûksan mai chi zawng a ni hauh lo
 mai. *‘Engtik nge Isua bma an kûn ang, an tlantu tib briain?’*

African Traditional & Diasporic religions	- 100 million
Baha'i	- 7 million
Buddhism*	- 1.2 billion
Cao Dai	- 4 million
Chinese traditional religion*	- 394 million
Christianity	- 2.1 billion
Hinduism	- 1 billion
Islam	- 1.5 billion
Jainism	- 5 million
Juche*	- 19 million
Judaism	- 14 million
Neo-Paganism	- 1 million
Primal-Indigenous religions	- 300 million
Rastafarianism	- 600,000
Secular*/Nonreligious*/Agnostic/Atheist	- 1.1 billion
Shinto	- 27-65 million
Sikhism	- 28 million
Spiritism	- 15 million
Tenrikyo	- 2 million
Unitarian Universalism	- 800,000
Zoroastrianism	- 145,000

• • •

SERMON KHENBEH NGAM ISUA

- Lalramthanga Ngente, Sarihajan

***“Tichuan a puante an hlihsak a, puansen an sintir a.nuibza siam nân an
hmanga a. Tin, amah chu chil an chhâk a,kraws-a khenbeh turin an hrui ta a.”***

Mat. 27:28-31.

Pathian meuh ni si, inngaihtlâwmah pawh a lutuk deuh lo maw âw tih tur khawpin lei mitena an duh ang tawka nghaisak leh nuizatzura siam ngama a han awm mai hi a hniaka zuitute hian i han zir nawn leh teh ang.

1. An hnial ngam: Rawng a bâwl chhûngin mite'n Lal Isua kha zirtirtu ropui leh chungchuang tak a ni tih an hriat avângin mize chitînrengte'n an hriat duh apiang an zawt a. A zawttute mi len leh tetah a teh ve lo, dawhthei takin a zawttu zawhna apiang fel takin a chhâng thin. Hemi piah lamah amah ertute phei chuan nasa takin an hnialkalh thin. Ama zirtirte ngei pawhin an rilru tak tak a kiangah an phawrh ngam baw (Mat.16:22). Tunlai hunah hian Lal Isua hi lo awm ni ta se, a hmuna zawhna tam tak zawt thei lo te tân *Phone* pawhin zawhna a dawng hnem hle ngei ang. Dawhthei tak leh tha taka mite dawngsawng tuan thaktu, hnialkalh ngam, a kianga rilru phawrh seuh ngamna Isua a ni. Chutiang zuitu kum tam tak Pastor lo ni tawh, Upa lo ni tawh leh Missionary lo ni tawh mêk te hian kan zui Isua kan ang em, kan ang tial tial nge, kan ang lo tial tial zawk le?

2. Dawta pub ngam a ni: Amah hmutute'n an hmuh dan leh nia

an hriat danin an puh pawp ngam (Mk.3:22). Ramhuai lal zawl nia an puh pawhin thu buai hla buaia lâk a tum lo. Chutia ti awmah pawh an ngai lo sa a ni thei e. A thiltihtheihnate an ringhlel a, a thuneihnate an ringhlel a, a ruka ring ni mai lovin an chhal ngam a, anin dawhthei takin an hriat theih turin a hrilhfiah hram hram thin. A hniaka zuitu, a tih dante zira vâram thlenga zui luh tumtute hian Isua kan ang em? Dawta puh ngam chu sawi loh khak hlek pawh kan zo meuh lo fo thin em? Thungrull dan tur kan duang ru nghal mai thin em?

3. Nghaisak ngam a ni: Lal Isua hi duh tawka nghaisak ngam a ni. A kawr an hlihsaka, ama thlan ni lo tihelna kawr an haktir thei a, tihelna lukhum an khumtir thei baw. A hmaia ben ngam a ni a, chil hial chhâk ngam a ni. A va tlâwm tak em! Heng zawng zawng hi duh taw lovin thisen nasa tak chhuak khawpin an vua a, sawisak ngam a ni! Heng chhûng zawng hian thungrull dan tur a duan ruk thu kan hmu lo! Kum sawm chuang lai Missionary lo ni tawh, a

then phei chu pensawn thaka thawk tawhte hi Isua kan an tial tial leh tial tial loh chu hetah hian kan inhmu thei ang. Hmaia ben chu sawi loh “I va rawn tlai ve?” tih chauh pawh la nâ Isua zuitu kan ni em?

4. Khenbeh ngam a ni: Lal Isua khan a nihna dik tak din chhuahpui ta se tuma khenbeh chi a ni lovang. Chutih a hnehin Lei leh Vân hi a hmaa bawkkhupa khur tur a ni. Mahse, nang leh kei hian nun, chatuana NUN kan neih theih nân mihringte’n an khenbeh ngam tur khawpin an inti tê a ni zawk. Isua a nih avângin saruaka krawsa khenbeh a zak lo a ni bik hlei nem! Hun (Term) 3 lai Pastor lo ni tawh, kum 30 lai Upa lo ni tawh, pensawn dawn ruai thlenga Missionary hna hmanga thlarau bote chhandam an nih theihna tura thawk mekte hian khenbeh chu sawi loh kutzungchal inhmu ngawt pawh tuar har kan ti lutuk em? Kan rawngbâwlsakte hian min tiduhdah ngam ta se eng nge lo thleng ang aw?

5. A chanvo a chang lo ngam: Ropui taka Seraf-te leh Angel-te’n an chawimawi tura kha hmun tlâwm berah lo piangin, lei mite tiduhdah leh nghaisak tuara kraws-a thihna thleng tuartu, chhantu leh lamtang pakhat pawh an awm lohna kraws ram reh, a Pa Pathian meuh pawhin a hnuchhawnsana kha leiah zawng

chan a nei lo a ni. Mahse, tunah chuan a tuar turte a tuar chhuah avângin chawimawina zawng zawng leh lalna zawng zawng chu a ta a ni kumkhua ta a ni. Vawikhat chu thianpain tuna an Pastor-in Sakramen kilpui atâna Missionary-te a sawm ngai loh thu a sawi a. A vui lek lek em ni aw ka ti deuh va. Chuta ka rilru lo zuang tho zawk chu hei hi a nia: In vengah la awm reng la chuan Upa te chu i ni ve tawh ngei awm si a, *kilpui* chauh lo pawh Synod Committee hrang hrangah te pawh i thu kual ve tawh mahna. Chung zawng zawng pawh chan huam chuan Missionary i kal a lawm tih hi. A then chu ‘*Upa ni phant la kal rawl*’ an tih lawm lawm te pawh an awm alawm. Mahse, Mission hmunah Upaa thlan theih loh uire dinhmuna ding turin i kal a nihna te pawh a awm alawm. Hengte hi hrethiama kilpui tura lo sawm che an awm chuan a lawmawm a ni chauh a ni, tih hian ka rilru a luah khawp mai!

Tisa khawsak thilah pawh Missionary-te an chêp tial tial a ni thei. *Gas connection* pawh hmun thenkhatah chuan a tih hleih theih tawh loh, *ration card* neih a rem lo, *voter ID* neih a rem baw lo. Khawvêlin min tikhawhar deuh a ni mai thei e, he lei ram mi kan ni si lo va. Mahse khenbeh ngam Lal Isua hi i thlir vat zêl teh ang. Amen.



BUH HMUN AṬANGIN CAMBODIA RAMA KAN RING THAR A THI

Rev. Sairengpuia Sailo

Tv. San Sopheak (23), Dt 04.09.13-a Baptisma kan chantir chu cancer-a damlo mek a ni a. A banbul veilam hi a na a, chu chu an zai a, mahse a na a zual zel a, a vung lian tulh tulh a. Thailand leh Vietnam-ah te an kalpui a, Cancer a ni a, a banbulah hian tan bung mah ila 50% chauh damna *chance* a nei tawh tih doctor-te'n an sawi a. Zaina leh enkawl na a hautak si avângin an zai ta lo va. Ani hi kan ring thar Baptisma chantir hmasak ber Nl. Sreyneang-i ṭhianpa a ni a, ani leh Nl. Lalrinawmi Ralte

A chau telh telh a, mahse Pathian hming a lam reng a, thei leh thei lovin a 'Hallelui' hram hram ṭhin a, a lainatawm duh khawp mai. A kut hmawr lam a thi chho a, a vung lai aṭang chuan thite a baw ṭhin a, thisen pèk ngaiin tum eng emaw zat a awm a. Russian Hospital-ah kan dah lût a. Nimahsela, a chauh zual zel avâng leh thihpui ngei tur nia a lan tak avângin *Roman Catholic Home, Palliative Care* an pèkna hmunah kan insawn pheii a. A ban puam vung lai te chu a ṭawihin a lo uih ṭan ta a, amah hian hrehawm a ti ber ṭhin, mah se a chhûngte leh keini Missionary hote'n kan ten lo va, lainat takin kan theih ang angin kan tihfai puin kan buaipui ve ṭhin. A thih tak hnu pheii chuan a ruang buaipui kha a har khawp mai a, a awmna *Home-a* thawktute pawh khan an ti hlei thei lo va, a chhûngte kan chhuahtir vek a, French Doctor

fel tak nen *Bandage*-in a ban ṭawih tawh tak, kaw her hur mai, a lung te pawh lo awm ṭan tawh chu a taksa nen kan ṭawn belhbawm a, thichhia leh tui bal rawn chhuah tamna lai apiangah khan *diaper* kan dah zel a, a taksa kuai letin kan vêt ngat ngat mai a, a rimchhe khawp mai. Mahse, mawihnai takin kan tuampum thei a, a lawmawm duh khawp mai.

A thih hma hian ama ruang kan buaipui dan turte hi a ngaihven êm êm a, **a ruang biak ina dah a duh a, biak in kan nei si lo, a va han hrehawm duh em! Mahse, Kristian dan ang thlapa vui a duh a, a chhûngte Kristian la ni hauh lo te nen a damlai ngeiin a vui dan tur kan sawi tlang a. Pakoda (Buddhist temple)-ah a ruang kan dah ang a, kristian dan ang thlapin kan vui ang a, Buddhist puithiam an inrawlh lo vang, a ruang erawh chu a chhûngte duh danin an halral ang, chu chu kan inremna a ni ta a.** A thih chuan a ruang dahna tura an duh ber, Sopheak-a naupan laia a sikul kalna ṭhin Pakoda-ah kan phur pheî a, mahse a tûk kha an Pakoda ni serh, ruang hal loh ni a lo ni tlat mai a, mahse chungte chu Pathian remruat fel tak zel a lo ni. A ruang chu rimchhe hman deuh mah se Pathian thu

sawina hun thui zawk min pêk kha Pathian thil tum a lo ni zawk a.

A ruang chu Pakoda hung chhûng, mahse Temple tak tak va ni si lo, hulhliap kawt zawl nei, remchâng tak maiah an dah a. Chu hmunah chuan zalên taka Pathian kan fak an phal a, ṭawngṭai leh thusawi, inkhawm (worship) thlengin min phalsak vek a, kan va han lawm tehlu em! A thih aṭangin Kristian tan Bati chhit te, Music play te a rem leh rem loh min râwn a, Kristian tih dan lo anga thil tih an hlau hle a ang zawk. Kuang rawn dahtute khan thil târ tur an rawn keng tel a, chungte chu tar kan phal lo va, an la thla ve thuai mai baw k a. Kan *dormitory* naupangte leh Missionary Nl. Lalrinawmi Ralte-te'n a ruang kalsan lovin chhunzan zawmin an awmchilh tawp mai a, an va fakawm tehlu em! Phnom Penh Mizo awm dangte pawhin min ṭawiawm ṭha hle a. Kan thawhpui Christ Church Pastor Thavy leh Kohhran member-te'n min thlahthlam lova. Anmahni zârah hian mawihnai takin inkhawmna ṭum thum ngawt mai kan nei thei a. Kohhran mite lo kal khawmin kan ṭhu bial a, hla sain kan ṭawngṭai a, thuchah te kan sawi a, ring lo ho kha a piah deuhvah min rawn

zawm ve chiah lovin an th̄u ve baw
a, kan thusawi erawh aurinna (mike)
hmang kan nih avângin an hre phâk
vek a. Ni 03/01/14, zing dar 10:00-
ah a thi a, Ni 05/01/14, zing dar
7:00-ah kan vui ta chauh a, a ruang
chu a chhe hman khawp mai a,
mahse kuang an nei tha a, a rim a
chhuak na lutuk lova, hâl dawnah
erawh chuan a chhungte'n a hmêl
hmuh leh kher an duh avângin kan
hawng leh a, a rim tuar a hrehawm
deuh.

Vui zawh hian a ruang hi khawlai
fanpui a ni a, ruang phur motor
tur renga duan saah a kuang dah a
ni a, kea kalin a hma lam leh a
hnung lamah kan zui a, Buddhist
puithiamho aiah Pastor in hma kan

han hruai ve a, tih tur dang kan tih
zawhah a ruang chu an halral ta a. An
hal ti ıla, an mut ral a ni mah zawk
ang chu, Thir killi lian tak chhûngah a
kuang kha an dah a, thirin an chhin
leh vek a, chirhin an zut phui a, a khu
chhuahna an siam a, pipe lianpui sei
takin vansângah a khu an chhuahtir a,
meihawl rawh ang deuh hian a alh
pawh kan hmu lo, sâng takah a khu
chhuak hluah hluah mai. San
Sopheak dam loh hriia min
ṭawngṭaipui ṭhin zawng zawngte
chungah lawmthu kan sawi a, in
ṭawngṭaina kha a thlawn lo va,
Sopheak-a hmangin Pathian a
inpuang a, a la inpuang zêl ang.
Engtik niah emaw chuan a
chhûngte pawh Isua ringtu an la
nih ve ngei kan ring tlat a ni.

• • •

Tin, upa zingâ pakebat chuan ka hnênah,

“Hêng puan var sinte bi tute nge ni a,

khawî aṭanga lo kal nge an nih?” tiin mi bia a.

Tin, kei chuan a hnênah, “Ka pu, nangman i bria alawm,” ka ti a.

*Tin, anin ka hnênah, “Heng bi hrehawm nasa tak ata chhuakbote kba an ni a, an
puante Beram No thisena suin an tivâr ta a.*

*Chuwangin, Pathian ṭhutphab hmaab an awm a ni; tin, achhun azanin a biak inah
chuan a rawng an bâwl ṭhin;*

tin, lalṭhutphaba ṭhua chuan an chungah a puan in chu a zâr ang.

*An rilṭam leh tawh lo vang a, an tuihal leh tawh bek lo vang; nûn a em bek lo vang a,
lum reng reng pawhin a tibrehawm bek lo vang.*

*Beram No, lalṭhutphab laia awm chu an vengtu a ni ang a,
nunna tuikburabte a bruai ang;*

Pathianin an mit ata mittui zâwng zâwng a bru fai tawh ang,” a ti a.

Thupuan 7:13-17

BUH HMUN AṬANGIN

Rev. R. Lalhmingsanga

Field Secretary, Patna Mission Field

Patna Mission Field kan hlim zel e : Kum 2008 a Jharkhan *Field-in* min indansan khan kan membar 2,500 an indanpui a, membar 300 nen bul kan ṭan tha ve leh chauh kha a ni a. *Field* ding thar ang mai kan ni a. Chuta ṭang chuan chak taka hmasawn a harsa khawp mai. Amaherawhchu, zawi zawiin kan ṭhang ve zêl a, kum 2013-ah pheii chuan ring thar baptisma chang 232 lai Lalpan min pe ta mai a, kum khat chhûnga ring thar min pêk hi ropui kan ti a, min tirtu Kohhran mipuite pawhin Pathian hnênah lawmthu min lo sawipui teh u. Kan rawngbâwlina pêng tinah hian Pathian malsawmna azârah hmasawmna hmêl kan hmu ve a ni.

Kum 2012 Krismas kha: Kum dangah chuan kan Kohhran (fellowship)-te an la tet hlawm êm avângin sum lamah harsatna kan nei ṭhin a. Kan membarte bâk ring lo mi kan zinga rawn tel ve châk êm êmte pawh kan huphurh hlur mai a, ei tur kan neih zat hre ranin kan duhsak turte ngei ngei kha kan thlim ru deuh ngar ngar ṭhin a ni ber. Kan hunpui min hmanpuia rawn tel ve châk ngawih ngawih kan huphurh tlat hi hrehawm kan ti ṭhin tak meuh va, a hnuah an zinga Chanchin Ṭha hrîl pawh kan tím phah bâkah anmahni pawh an inhawng lo sawt zelin kan hria. Kumin 2013-ah erawh chuan *Field Working Committee-in* kan *field budget-a* mi *Campaign-na* leh *Crusade-na* sum tlêm azawng hman min phalsak ta a, Kohhran

leh mi mal ṭahnemngaite'n min pêk belh bawk a, chung sumte chu Kohhran hrang hrangah tlêm tlêmin kan han insem darh ve ta a. Kohhran tinah ring lo mi min belhchhahtu keimahni lêt aia tam fe ṭheuh an lo kal a, inkhawmna kan neihpui hnuah ruai kan kilpui ve ta a nih chu. Ni danga kan koh khawm theih loh te pawh lo kalin kan zingah Isua piang an rawn lawm ve a, kan va hlim tak em! Hmun ṭhenkhatah mahni Kohhran sum hmangin mi rethei – kawng dunga mu mai mai te, rel kawng sira khawsa mai maite hnênah kawmawl an sem a, ṭhenkhatin *carol service* neiin kawng an zawh a, ṭhenkhatin mipui ko khawmin *crusade* an nei a, a va nuam tak em! Thawktute hah êm êmin mahni ṭawnga Krismas hla

sakpui tur nei lo mah se, a Krismas ta ber zawkin ka hria.

Kum 2014-ah hian hna thawh tur hmabâk kan ngah : Kan rawngbâwlina hi pêng hrang hrang a awm a, țangkai lo bik pawh a awm lo. Puanțhui zirlaite mahni *centre* țheuhvah ni tin zirtir pahin Pathian thu hrilh a țul leh dawn a, *Gospel team* te a tam thei ang ber an feh chhuah a țul leh dawn a, anni hian *projector* hmangin ring lo mite en turin *Gospel film* an chhuah țhin a, a remchân dan ang zelin an hmuh apiangte Pathian thu an hrilh mawlh mawlh bawk țhin. Pastor Bial inkhawmpui bâkah *Convention* neih kan hmabâk a, *Field* beihpui neih tur

hmacchawp kan nei bawk. Tin, kumin ang bawka Krismas laia beihpui (*campaign*) neih leh kan duh a, Biak In sak hmabâk leh kan Biak In neih sa zauhna tur hna a awm bawk. Sawi vek sen a ni lo. Rawngbâwlina atâna kan mamawh *field* sum atanga tih theih bâk *project list*-ah rinnain kan han dah hlawm a, chungte chu Ramthar Pisa, Aizawl-ah kan thehlût tawh hlawm bawk. ‘Makedonia ramah lo kai la, min pui rawh’ tih țawngkam te kha hawh kan duh rum rum mai. Kohhran leh mi mal inpe tak tak Zoram lamah an awm a ni tih hriain heng kan *project*-te hi tu ten nge rawn chhâng ang tiin țawngtaina nen kan thlîr mêk a ni.

• • •

Tin, an bnenab, “Khanvêl z̄awng z̄awngah kal ula, thil siam z̄awng z̄awng bnénab chuan Chanchin T̄ha bi hril rawh u. A ringa baptisma chang chu chhandamin an awm ang a; a ring lo erawh chu thiam loh changin an awm ang.
Marka 16:15-16

LALPAN THIL ROPUI MIN TIHSAK E!

*Vanlalchbandama,
Ektiasal, Siliguri Field.*

Missionary emaw Kohhrana rawngbâwtute kan ni emaw, rawngbâwlnaah hian rawngbâwtute hi chi hnihin a then phawk theih em aw? tih ka ngaihtuah thin. Rawngbâwtu tam tak chu rinawm takin mahni chanvo leh kan hma a lo thleng apiang hmachhawna, thahnemngai taka rawngbâwtu tam tak kan awm âwm e. Thenkhat chu Kohhranin hma thar leh tih thin dan pangngai aia tha tur ngaihtuah chung zelin a hmaa mi thlauhtla chuang lova mahni hmazawn zawna rawngbâwl mawlh mawhte an awm baw a. Chung zawng zawng chuan Lalpa ropui nan kan thawk vek a ni si a. Chutih rual rual chuan mahni hmazawna thil awm beih leh hma lâk dan tur pawh hriat mang loh lai pawhin rawngbâwlpuite tih tur leh an tih loh te hriatsak erawh a awl phian thung si! He khawvêla kan cham chhûng chuan famkim lohna khawvêl a nih miao avângin kan famkim lo hle a. Ramthar chanchinbua thuziaktu nih pawh hi “A ni ve hi a” an han tih chuan ziah leh hi a inthlahrunawm rum rum zel a, anni aiin kan thawh hlâwk azeng pawh a ni lo va, thiamna lamah phei chuan kan phâk rual an ni leh baw si lo nen. Amaherawhchu, tawngtaipui kan ngaihnate leh rawngbâwlna chanchin ziah tulate han hriat thin leh tulna avâng te pawhin a ni ang chu-tuang tichhah chung zelin kan han ziaak thla ve leh rawk a ni.

Ektiasal Kohhran hi Khudiram Pally-a awm niin, a awmna vêngah hian ringtu chhûngkua pakhat chauh kan nei a. Vêng hrang hrang aţanga kalkhawm niin a hla ber veng Barafapri-a kan member chhûngkaw pahnih hmeithai ve ve te hi thla thum danah Biak In vawi khat te an rawn thleng pha tawh thin. Kilometre thum leh a chanve laia hlaa awm an nih avângin, a hmingin kristian an ni ve anih hi tih mai theih an nih rualin an kristianna erawh a

nghet phian lawi si a! Kohhran Committee-in ngun taka a ngaihtuah hnuah Pathianni tin zing dar riatah inkhawmna va neihpui thin ni se’ tiin Ni 13th March 2013 aţang khan inkhawm neih tan a ni a. Kohhran membar hi puitling paruk an ni. A tirah chuan kan inkhawmna in neitu Pi Marshang Tamang fapa phei chu inkhawm tan dawn hian a insiam a, a chhuak daih thin. Bei a dawn deuh rum rum hnu, thla hnih hnu

lamah chuan a thahnemngai berah a tang ta tlat mai! Anni chhungkaw hnih hi membar pathum ve ve awmna an ni a, chhûngkaw pakhat zawk Pi Devi Chhetri te nufa phei chu an la mumal (*regular*) lo êm êm zui a. Beidawng deuh rum rum mah ila, Kohhran neitu chuan min thlîr reng a ni tih chiang takin a lang. Chawlhni tinin mumal takin kan la inkhawm thei zel a, Pathian thiltih theihna mak lo langin ni 19th May, 2013 khan chhûngkaw pakhat membar pathum awmna chuan dam chhunga Lal Isua hnung zui tura intiamin baptisma an chang ta der mai. Anni chhûngkua Kristiana an rawn inpêk dan pawh hi Pathian hnathawh a ni. Chhungkaw pa ber Thule Tamang hi taksa chak lo tak mai a ni a. Kan Kohhran mi Pi Marshangi'n an dam loh chuan a lo tawngtai thin a, an lo dam/nuam deuh thin a ni. Baptisma a chan lai pawh hian khum betin zun leh êk pawh mahnia inthiar thei lovin a awm a, an inah kalin kan Field Secretary-in khumah baptisma a pe hial a ni. Kohhran mite pawh tawngtai zelin ani pawh a lo tha chho ve hret hret a, Sakramen inkhawmah pawh Biak In a rawn thlen theih loh avângin kan F/S hian an inah sakramen a theh a, tunah hian tha chho zelin inkhawm

hi a thlah ngai lo a ni. Amaherawh chu tar chak lo te a nih tawh avângin tha na, tha kham te a nei a, duh angin a chak tawh lo hle. Ni 15th Sept., 2013 khan mi pakhatin baptisma a chang leh a, tunah hian tlangvâl pakhat chang mai tura buatsaih mêk a ni bawh. Barafapri hi khaw pangngai tak niin Kristian hi In sawm leh pariat vel an awm a, Kohhran pawl hrang hrang niin eng Kohhran Biak In mah a la ding lo va, hmun hla tak takah mahni Kohhran theuhah an inkhawm ve zauh zauh hlawm thin a ni awm e. Tlangram lama rawn pem thla chhûngkaw pakhat chu tunah hian mumal takin an rawn inkhawm thin bawh a. Pathianni apianga kan inkhawm takah chuan Kohhran dangte leh ring lote pawhin an rawn chhim ve tan tawh a ni. Thawhlawmte kan khawn ve tak thin avângin “thawhlawm khawnna lei ni se” tiin kan rêl a, he lamah lei mai tur a lo awm loh avângin Upa Ruata, Khatla South-in Ektiasal naupang inkhawm thawhlawm khawnna tur nen min rawn leisak hlauh mai a, kan lawm tak meuh meuh a ni. An haus a lem lo a, an in leh lo a tha tawh lovin a te hle bawh naa, an inpêkna a ropui a, an phûr bawh a, tunah hian a ram chhûngah Pi Marshang Tamang hian Biak In khawr ve te pawh a

phal a, Pathian hnenah amah kan biakna turin Biak In kan dil mek a ni. Siliguri leh a chhehvelah hian Mission pawl hrang hrang hi a tam êm êm mai a, rawngbâwlina lah a sak hle baw a. Chutih rual chuan mi mangangete'n Pathian an zawng thin. Kan ringtu tam tak te pawl hi natna atanga Lal Isua hmutute an ni. Chung mite zawng chhuak tur chuan Kohhran mi- mi inpe te an tangkai êm êm a ni. Barafapriah hian kohhran a lo din ve ngei theih nan leh member-te tân i tawngtaipuina kan ngen nghal e.

Ni 28th July 2013 khan kan inkhawm laiin Tv. Manoj Roy, kum li zet rilru buai tawh chu a chhûngte'n an rawn hruai lût hlawl mai. Doctor-ah leh an sakhuaah an beidawng a. Kristiante tawngtaina hmanga tihdam chu an beiseina neih chhun a ni ta. An fapa mal neihchhun leh anmahni chawmtu ber a ât takah chuan rethei takin an khawsa mek a ni. Amah hi dawi ât niin an ring ber a, mitthi tawhte hming lamin “Lo kal rawh min ti” te a ti thin a ni. Chawlhni vawi khat pawl hlah lovin an khua Bollam Para kilometre sarîh vêla hla atangin an rawn inkhawmpui ziah a ni. Siliguri Field-a Missionary leh Kohhrante hian kan tawngtaisakin, a thei theiin counseling te neihpui thin a ni baw. A rilru buai hian hma a sawn ve hret hret a. Biak

pangngai chuan rilru buai a ni tih pawl hriat loh khawpin tawngkam a thiam a, mahse chhia leh tha hriatna erawh a nei mang lo a ni. An chhûngkaw mandir (*an khuaah hian chhûngkaw tinin mandir pakhat emaw pahnih emaw an nei theuh va, anni hian mandir leh thakur in an nei a ni. Concrete a sak ve ve a ni*) chu ni 15th Sept. 2013 khan kan chhu chhe vek a (hei hi anmahni min ngenna a ni) ka rilru erawh a nuam chiah lovin ka hria. A tûk tlai lama ka va leng chu Manoj-a nu chu khumbetin luna leh khawsikin a lo awm reng mai! Indona chu Lalpa indona a ni tih puang chhuak chung leh insit tak chungin Têl leh tui tawngtai thianghlimsak chungin (An hnam Rajbongshi hian têt leh tui tawngtai thianghlim hi an ngai pawimawh êm êm a ni, têtah pawl têt tak kher an duh) a lu chungah kut nghatin ka tawngtai ta, mahni insit bawk nen thahnemngaih bawk nen mittui nen hnehna kan han puang ve ta ringawt mai! Ani tap baw, kan “Amen” rualin tui leh têt lain an pindan lamah a tlân lût nghal a, têt a luah a tat a, tui a in baw a, kei pawhin ka hawsan ta, mahse rilru erawh a la inkap tun tho mai. A tûkah *Field Souvenir Committee* nein *office*-ah kan nileng leh si, rilrua a awm reng avângin thiante hnênah pawl ka sawi

chhuak hial a. Tlaiah ka nupui Lalbiaktluangi S/N nen damdawi kengin kan va kal chu hlim takin min lo lawm a, nimina a dam nghal thu min lo hrilh chu, lawmawm tak a ni. Kohhran mite pawhrawn kal vein lawmthu sawi ṭawngṭairual kan nei ta. Lalpa chu ropui ber rawh se. Mandir chhut chhiat avânga dam lo nia an hriat vaih chuan khawtlâng pawhin min lawm dawn lo nasa si a. He khuaah hian Gospel team-te pawhin ṭum hnih rawngbâwl na kan nei tawh a,

khawtlâng an inhawng hle a, chutih rual chuan Manoj-a hi an en ṭhup a ni. Ni 17th Nov. 2013 hian kan Field Secretary Rev. B. Zobiaktluanga kutah an chhungkuain baptisma an chang ta. Heng zawng zawng hi Kohhrante min ṭawng-ṭaipuina vang liau liau a ni e. Chhiartu duh tak, tih theih nei lo mah ila, ṭawngṭaina chu kan tih theih tlân a nih kha maw. Lalpa ropuina atân min lo ṭawngṭaipui zel dawn nia.

• • •

NGENNA

Pathian khawngaihna zârah kum 2014 kan lo thleng leh ta a, kum hlui 2013 ‘RAMTHAR’ man la pe lo zawng zawng chuan March 2014 ral hma ngeia pe turin Editorial Board-in a ngên tak zet a che u.

• • •

PATHARKANDI LAMAH AW...

*Lalbiaksanga, Evangelist,
Patharkandi, Barak Area*

Patharkandi khua hi Assam state Karimganj district chhûnga awm niin heng Bangladesh, Tripura ramri hrula awm a ni, Mizoram lui pakhat Langkaih (longai) lui kianga awm a ni a, chhiarpui hnuhnung bera a lan danin Patharkandi *population* hetiang hi a ni, Mihring cheng zat (total population)=1,45000 (nuaihkhath singli leh sangnga), chung zingah chuan Bengali hnam 45000 (singli leh sangnga)awmin, Muslim 40000 (singli), Thingpui huana hna thawk 30000 (singthum), Manipuri Meitei 5000 (sangnga), Bishnupuria Manipuri 15000 (singkhath leh sangnga)awmin, a bâk chu kan Zohnahthlâk (*tribal*) pui heng Chorai, Ranglong te leh Khasi hnam te niin, Bru leh Chakma te pawh an awm nual bawk a ni.

Aw le! Patharkandi-ah hian kan Synod Mission Board pawh hian hun rei tak aţangin hma pawh a la tawh a, mahse thawktu indaih lohna avângte leh thil dang avângin hun rei tak chawlsan a ni a. Keini chhûngkua hi kum 2013 January thlaah hma la tura dah thar kan ni a, mihring lama ngaihtuah chuan he khua Patharkandi-a awm hi thil châkawm tak chu a ni lo phawt mai, a chhan tam tak a awm thei ang; chung zinga langsar zualte chu - he khua hi Mizorama *cement* mistiri leh hna thawka awm vai ho tam zawk awmna khua niin Mizo mizia hre Chiang tak takte leh kan that lohna lai hre vektute awmna khua a ni a. Rawngbawl a harin a sak duh hle mai. Tin, he khua hi khaw sual gunda(gang)ho tamna

khua a ni a, he khuaah hian Biak In te chu sawi loh hmun kan la nei h loh avâng hian in luah tur hi a rammi tâna a harsat vak loh laiin kan tân chuan in luah tur a vâng êm êm mai a ni. He khua hi kan tarlan tak ang khân hnam hrang hrang leh sakhaw hrang hrang inchen pawlhna khua a nih avâng hian an inlungtual lovin an inhal êm êm bawk a ni.

Hetianga teh nuaih a nih vangte pawh a ni ang e, kohhran hrang hrangte paw'n hma te chu la ve thin mah se, kristian an la tîem êm êm a, a awmchhuna te pawh hmun dang aţanga hna avanga awmte an ni hlawm a, tun dinhmunah keini kohhran tih loh chuan eng kohhran mah hian hmalakna an nei lo a, kristian awmchhuna te pawh mahni

mum mum hian an awm ve mai a ni, hmalakna tur a tamin thawh tur a tam hle mai.

Keini chhûng paw'n Pathian rinchanin theih anga hma la òanin ringtu lo awm sa kan zo hnahtlâk puite kaltlangin bul kan òan ve a ni a, hmasawn a harin mihring lamah chuan han rum tlawk tlawk chang a tamin kan beidawn chang a tam òin hle mai. Mahse, helai hmuna awm tura tih kan nih tlatna hian Pathian hnênah beiseina êng min siamsak a; kan *field*-a Gospel *team*-te leh Karimganj Pastor bial chhûnga thawktute nen kampên wawi eng emaw zat kan neih tawhah Pathianin a ropuina lantir zelin kan thawh tawhnaah beiseina tam tak kan nei ve mêk a ni.

Tichuan, thla eng emaw zat keini chhûng pawh kan awm hnuin Pathianin a ropuina a lantir zêl a, kan beisei phâk miah loh leh kan thawh phû lovin Pathianin malsawmnain min vur a, August 2013 khan Bishnupuria Manipuri hnam ațangin ring thar mi pathum tlangvâl 2 Engineer zir lai leh nula BA zir lai 1 min pe a, Lalpa kan va lawm tak êm! Lalpa chu fak in awm rawh se. Theih ang angin kan ring tharte chhûngkua nen chuan țawngțai inkhawm te nei in hma kan la chhunzawm zêl

a, Biak In kan la nei h loh avâng hian an inah inkhawmna kan nei òin a. Biak In-mahni ta ngei mai nei kan châk ve tawh hle. Kan bialtu Pastor leh kan *Field Administrative Secretary* leh thawktute țahnemngaihna zârah he khuaah hian hmalâk chhunzawm zel ni in, Patharkandi khaw hnaivaiah te pawh Bible *tract* leh Bible (Thuthlungthar)-te sêmin kampên nei chhoh zel a ni a, December, 2013 thla tîr khan Kulikawn Kohhran Masihi Sangati-ten Pu HP Zawna (crusade speaker) leh Upa Dr. Thiamsanga te hmangin *Free medical Camp* leh *crusade*-in beihpui min rawn thlâksak a kan va lawm tak em! He an rawngbâwl na kaltlang hian Pathianin a ropuizia min hmuhtir leh a. Kristian a rawn in pe mai thei an rilru hmin vek tawh tlangvâl pali vêl lai mai kan nei leh a, țawngțaipui kan ngai hle mai.

Keini paw'n he khuaah hian nasa tak in òan kan la mêk a, chu chu setana thik tham a tling a ni chêk ang chu, ring lo Hindu mission te pawn he khuaah hian kumin 2014 ațang hian Hindu mission School (Kg-I to class-III) an din ta rup mai, he khuaah hian Kohhranhote'n thawh tur kan va ngah tak êm! Ngaihtuahna tam tak min neihtir tak chu - he khuaah hian kan awmtir ațangin vawi in thleng hian kan òian țha ring

lo zinga mite leh a khaw panchayat-te paw'n he khuua Mission School din tur hian min ngen nasa êm êm a, zirna kaltlanga he khuuaah hian rawngbâwlina kalpui a châkawm hle, an ãawngkam ãhenkhatah chuan, "He khuuaah Kristian Mission-in Sikul in din theih chuan kan fate in sikul-ah kan dah vek ang" tih te, he khuua Kristian Mission school a din theih chuan sikul awm sa zawng zawng aiin a ãha anga in sikul-in a lo awm sa te a khûm vek ang tih te a ni." Zirna In kaltlanga rawngbâwlina neih ve a châkawm hle mai. Kohhranhote hemi kawnga hmalâkna rawn nei tur leh in ãawngãaina min hre ve reng turin kan inngen tak meuh a ni.

Patharkandi hi Aizawl aãang pawha hnai te darkar 8 vêl lek kal a ni a, ni tin motor kal te awmin a thlen zung zung theih a ni. Kan tarlan tawh angin he khuuaah hian hmalâkna tur leh rawngbâwlina tur tam tak a la

awm a. Keini chhûng mai chuan eng mah kan tithei lo va. Zorama Kohhranhote bang lova min ãawngãapui ãhintuten a bik taka he khuuaah ring ãhar kan lo pun zel theih nân leh Kohhran a lo dina Biak In te kan neih thuai theih nâna min lo ãawngãapui turin kan sawm che u a ni.

Kumin 2014 lo inher chhuakah pawh hian Kohhranhote kan rilru leh ãawngãainaah pawh 'PATHARKANDI LAMAH AW' ti ãheuh turin kan ngen tak meuh meuh che u a ni e.

"I thawb loh avângin tam tak an boral e

*Lalpa hmangaih te an ral mêk
Anni pui turin i kal ang em pui tu
an ngai em e
an boral zawnb hma hian;*

*Kal thuai la va thawk rawb an tan
ni a kiam e;*

*Thlarau chbiar sen loh boral tur
chu*

*i hmangaih lo em ni pakhat tal
rawn bruai rawb"*

• • •

*I rawng bâwl dub lo hnam leh ram chu a boral dawn si a;
a ni, chung hnamte chu tibebbiat blaubvin an awm ang."*

Isaia 60:12

SUM ENKAWL - A THLARÂU RUHKAWL LAI

Upa Lalbriata, Jubili, Mission Vengthlang

Thlarau mi tih hi tawngkam khat leka sawi fiah a har hle âwm e. A letling chiah chu **Tisa mi** a ni mai ang a. Mahse, “Thlarau mi,” inti ngam chiah si lo, “Tisa mi,” inti phal baw si lo pawh a awm theih ang. Mahse, tisa mi leh thlarau mi inkârah hian ram ruak a awm thu hi Bible-in a sawi em ni aw? Thlarau mi kan intih ngam si loh chuan inphal lo mah ila tisa mi chu kan ni mai dawn lo’ m ni?

“Thlarau mi’ nia kan hriat hi a inang lo hle mai thei baw. Synod Mission Board-a mi pakhat *interview* chu *Board member* pakhatin, “‘Ani kha thlarau mi tak a ni,’ ka’n ti zauh a. *Member* thenkhatin, ‘Chuti chu a va tha âwm lo ve,’ an ti a. A thenin, ‘Thlarau mite chu an tha dawn lo’ m ni?’ an ti thung a. ‘Thlarau mi’ tih chu kan sawi zui ta hrep a,” tiin min hrilh a ni.

Marpara-a *Headmaster* ka nih laiin sum ka khawih a. *Audit* hmasa ber chu Aizawl-ah neih a ni. La ti ve ngai lo a-thu-châng, ka *Ledger* ka’n ken theihngihl phawt a. Min han audit ta a. Duli (“0.50)-in a inmil lo ta tlat mai. “Duli lek a ni a, a paw lo ve,” an ti mai dawn emaw ka tih laiin, “Duli hi zawng chhuak rawh,” min ti ta mai a. Tichuan thlen inah ka hawn a. *Ledger* thar ka lei baw a. Duli zawng turin thla 12 chhûnga ka sum zia sa chu a bul aţangin ka chhui ta ngat ngat a. Malaria ei

bâng kan lo ni baw nen, ka khua a sik rum rum mai. A tawpah chuan ka hmu chhuak ta hrâm a, ka lawm kher asin. Ka thlarau mina tur hre lovin ka lo fimkhur tâwk lo a ni ber âwm e.

Marpara-a min rawn *audit* tuma *auditor* pakhat tawngkam chu ka la hre reng mai. **“Sum enkawl hi a thlarau rubkaw lai tak a ni,”** a tih thu kha. Hei hi Zoram Kohhrana thlarau mi intite hian kan pawmpui thlap thei em le?

Pathian Kohhranho sum thianglim enkawltute hian duli lek pawh tibo lo va, fel tak leh dik thlapa tih hi a thlarau lai chu a lo ni khawp mai tih hi kan pawm thlap tur a ni dawn lo’ m ni? Sum zia fimkhur loh vang te, rinawm loh vangtea sum tihchingpen anga lang thin hi a paw a; mi depde thawmhna a ni baw. Chuvangin sum enkawltu ka nih chuan, khawi *station*-ah pawh awm ila, dik taka enkawl chu ka thlarau mina tur chu a ni.

Sum lama mawhphur ve lo tan chuan chu ‘thlarau mina’ chu a pawimawh kher lo thei a. Sum i enkawl loh hunah chuan i tan pawh a pawimawh tawh kher lo vang. Mahse, sum khawihtu i nih chhûng chuan, thlarau mi i nih bawh chuan, duli lek pawh i tibo thiàng lo a ni. Tui taka zai leh lâm te, Pathian thu sawi bawrh bawrhthe hi thlarau mite zia chu a ni mawlh mai. Mite pawhin thlarau mi tiin min fak a ni thei. Mahse ka sum enkawl a fel fai si loh chuan, a neitu Pathianin thlarau mi niin min ngai ve thei dawn em ni le? Ka rinawm loh vang pawh ni miah lo mah se, ka thlarau mina tur a ni tih ka hriat loh vanga ka inthlahdah a, sum zia fel hman lo khawpa ‘**a rau**’ lamah ka buai a nih chuan a dik hauh lo vang le.

Tualchhûng Kohhranah pawh hian Kohhran sum enkawl fel thei viau

si, sawrkar sum enkawl fel thei hauh lo hi an awm niin an sawi thin a. Dik tak maw? Sum enkawltu ka nih chuan, eng sum pawh ni se, dik taka enkawl hi ka thlarau mina tur chu a ni dawn lo’m ni?

Sum enkawl leh vawn him hi thil harsa tak a ni a. Kan thiamna leh theihna hian a tlin lo fo. Chuvangin Pathian hnênah finna dil ila, ani kaihhruaina leh zirtirna nen sum hi enkawl thin ila, kan tisual lo ber ang e. *“I sum enkawl chanchin min ziah felsak rawh,”* titu aw kan hriat mai chuan engtin nge kan tih ang le? Sum bâwm bulah thingthin Pathian hnênah hlan thin ila, kan kawh him theih loh hi ani chuan a vawng him thei êm êm a ni. Sum enkawl hi a thlarau ruhkawh lai tak a ni si a.

• • •

HRIATTIRNA

Mb.No.9774390987-ah hian
Missionary chawm zat inhriattir turin
Kohhran tinte ngen
in ni e

RAMTHAR FEH**A.**

1. **Field hming** : Home Mission North
2. **Khua** : Pangbalkawn Hmarveng Kohhran
3. **Tlawh hun chhông** : April 2-9, 2012
4. **Tlawhtu Kohhran** : Chawlhmun Koh. RT Committee
5. **Kal zat** : Mipa- 9; Hmeichhia- 2; Total-11
6. **Tlawhchhan** : Hnathawh
7. **Hnathawh** : Biak In thutthleng siam
8. **Senso zat** : Rs. 18,155/-
9. **Lawmawm lam** : Hnathawh chhông zawnga damna leh hriselna min petu Pathian chungah kan lawm a. He hnathawhna tur puala tha leh zung, sum leh pai sengtu zawng zawngte chungah kan lawm bawh a. Kan hnathawh chhung zawnga Kohhran mipuite leh thawktu chhôngkua-ten thahnemngai taka an mi tawiamna zawng zawngah lawmthu kan sawi tak meuh meuh a ni.
10. **Tul dang:** Pangbalkawn Hmar Veng Kohhran hi Pathian zârah membar an pung chho mêk zel a, an Biak In luah mêk lai pawh zauh tumin hma an la mêk a, thutthleng pawh sawm pathum vel zeta an mamawh belh dawn a, Mistiri mumal an awm si lo, puitu an ngai hle. Kohhran thanglai an ni a, tawngtaipui an ngai tak zet a ni.

Upa Zatawna

Chairman

Chawlhmun Kohhran Ramthar Committee

AW.

1. **Field hming** : Jeribam Pastor Bial
2. **Tlawhtu Kohhran** : Chhingchhip Venghlun Ramthar Committee.
3. **Tlawh hun chhung** : Ni 16 - 19. Nov. 2012.
4. **Kal zat** : Mipa 11, Hmeichhia 7 Total = 18
5. **Tlawh chhan** : Jiribam Bial chhunga Kohhran hrang hrang te tlawh chhuah.
6. **Pawisa senso zat** : Rs 50,000/- (Cheng Singnga)
7. **Hun hman dan** : Ni 17/11/2012 Inrinni zingkarah Jiribam Kohhran Biak In hnuai (Kohhran Hall) tuilianin chirh a dahkhah thenfai a ni a. Chaw ei kham atangin Jiribam Pastor Bial chhônga heng khuate hi tlawh an ni.

- 1) Mongbung Fellowship = 11 Kms Jiribam aṭangin
- 2) Chingdongleikai Fellowship = 5 Kms Jiribam aṭangin
- 3) Champanagar Preaching Station Dibong Kohhran.

Heng kan tlawhnaah hian ṭawngṭai rualin hun hman deuh zel a ni bawk.

PATHIANNI : Chawhma Jiribam Kohhranah inkhawm a ni a, Ramthar Committee Chairman Upa C. Lalṭhuama'n Pathian thuchah a sawi a, Chawhnu inkhawm hi Uchathol Kohhranah inkhawm a ni a. Pi Laldiki'n thu a sawi a, Inkhawm banah Preaching Station te tlawh leh a ni. Zanah Jiribam Kohhran Biak Inah inkhawm leh a ni a, Pu Lalhmuliana, Ramthar Committee membar hnên aṭangin Pathian thuchah ngaihthlâk leh a ni bawk.

Thu belh: Kohhran hrang hrang kan tlawh te hi an lo fahrah hle a, a awm ang ang te erawh chu an nghet hlein ka hria. Tisa leh thlarauah hma an sawn zel theihna turin Eng *Training School* emaw Sikul pangngai emaw chu din ve ni se a duhawm hle. Thawktute an rim hle a, ṭawngṭai leh thilpêkin puih an la ngai hlein kan hre bawk.

H.L. Lawmzuala, Secy

Ramthar Committee

Chhingchhip Venghlun Kohhran

B.

1. **Field hming** : Home Mission South
2. **Khua / Mission Centre** : Pachang Kohhran, Lunglei Venglai Pastor Bial
3. **Tlawh hun chung** : 13 – 18 November, 2013
4. **Tlawhtu Kohhran** : Falkland Kohhran Ramthar Committee
5. **Kal zat** : Mipa -10, Hmeichhia – 2
6. **Tlawh chhan** : Hnathawh
7. **Senso** : Cheng 45, 155.00

8. Lawmna lam : Hnathawka kalte an hnathawh chhûngin inhliam leh na nei tumah awm lovin kan thawk thei a, Biak In sak zawh loh sa zo theiin kan thawh chhûng zawngin Kohhranhote'n englai pawhin min thawhpui reng a, kan lawm hle. Kohhranin Krismas an hmanna turin cheng 10,000/- kan Ramthar Committee Chaiman-in a hlan nghal bawk. Mi an thlahlelin hawsan pawh an lainatawm hle,

heng hi mi thahnengaite tawngtaisakna rah a ni a, an chungah kan lawm hle.

9. Thu belh : Arunachal 'W', Mangnang Kohhran, Pasighat Bial Biak In sak nan cheng 10,000/- leh Krismas leh Kum thar an hmannan cheng 5,000/- kan pe bawk.

Laltlankima

Secretary,

Falkland Kohhran Ramthar Committee.

CH.

1. Field hming: BARAK AREA

2. Khua / Mission Centre: Lamargram

3. Tlawh hun chhung : 14-18, May 2013

4. Tlawhtu Kohhran : Hmunthar, Kohhran Pavalai Pawl, Kulikawn

5. Kal zat : Mipa -10, hmeichhia –

6. Tlawh chhan : Quarter zauh

7. Hnathawh : Quarter zauh

8. Senso : Rs. 24,963/-

9. Lawmna lam: Kohhran leh Evangelist-te an lungrual a, Bialtu Pastor leh thawktu dangte'n min tawiawm tha hle.

10. Lawmna lo lam: Ruah sùr leh thlupui tleh avânga khawchhiain min ti buai deuh va hnathawh a sawt lo.

11. Thu belh : Lamargram Kohhran leh Kabuganj Bial leh Meitei Pastro Bial dangte an hnufual hle. Kan ramri dep an nih avângin ngaihven an ngai hle.

SR Lalthakima

Secretary,

Hmunthar, Kohhran Pavalai Pawl,

Kulikawn, Ramthar Feh

D.

1. Field hming : Barak Area

2. Khua / MissionCentre : Salipur

3. Tlawh hun chhung : 28th Mar- 1st Apr 2013

4. Tlawhtu Kohhran : Dawrpui Kohhran

5. Kal zat : Mipa -16, hmeichhia – 8

6. Tlawh chhan : Gospel Crusade

7. Senso : Rs.90,800.00

8. Lawmna lam: Salipur khuaah hian Crusade tum eng emaw zat buatsaih a lo ni tawh thin a. Hmelmapa setana avangin ruahsur leh dodalna avangin Crusade neih zawh theih a ni ngai lo va. Tun tumah hian hengte avang hian Kohhran leh mi mal kan tawngtai nasa baw a, tuang takin kan zo thei a ni. Tin, Pandal siamna atan ring lo pakhatin a ram (leilet zawl) min hman hawhtir a. Crusade kan zawh dawn ni hian an khaw pa hovin, “Engatinge heng ho hi i ram i hman tir?” tiin Crusade titawp turin an lo ti a. Ani chuan, “Ka ram a nia, Aizawl-ah an hawn dawn pawh a ni lo va, keima’n ka ko thlaa, Crusade ka neihtir a nih hi, ka thu thu a ni mai” ti tein a lo chhang a. Paho chu an daw ta zawk a ni. Kan lawm hle a ni. Ring lo pawh an lo kal tha fu thin a ni. Salipur-ah inkulhna a awm loh avangin Kabuganj Mission Compound-ah kan inkulh a, Pastor G.S.Ropianga te chhungkua leh thawktu thenkhat kan tibuai em em a, nasa takin min buaipui baw a, kan lawm hle a ni.

9. Thu belh: Salipur-ah hian Kohhranin ram an la nei lo va, an Kohhran mi chhungkaw khatin ram hawhtirin Biak In chu an nei a. Anmahni hian a hrangin nei ve thuai se an duhpuiawm hle a ni. Tin, Kabuganj Mission Compound hi a lun hle mai a, tun aia changtlung deuhva enkawl leh thuam that deuh atan a duhawm hle. Compound a Pukri (tuikhuah) hi a lungrem a chim nasa hle mai a, hei ber hi an rin a ni si a, siam thatsak theih ni se a duhawm hle baw.

Kapchhunga Pachaua,

Secretary,

Ramthar Committee, Dawrpui Kohhran

E.

- 1. Field hming :** Tripura Mission Field
- 2. Khua / Mission Centre :** Tankypara, Ambassa Bial
- 3. Tlawh hun chung :** 18 – 31 October, 2013
- 4. Tlawhtu Kohhran :** Kawrthah Kohhran Ramthar Committee
- 5. Kal zat :** Mipa -16, Hmeichhia – 4
- 6. Tlawh chhan :** Hnathawh – Biak In sak
- 7. Senso :** Cheng 72,885/-
- 8. Hnathawh :** Tankypara Preaching station Biak In a dung ft.30x17, a chung leh a bang rangva kan sak bakah, Pulpit, Lectern, thutthleng-13, khuang hunna te siam a ni.

8. Lawmna lam : Tankypara-a ringtu Bru unaute'n tih tak zeta Pathian an bia leh Biak In thar an neih avânga an hlimna te, zing țawngțai inkhawm țha taka an kalpui thei te chuan min tilawm hle.

9. Thu belh : Ambassa Bial huapin crusade November 6, 2013 ațanga an neih tur țanpuina cheng 3,000/- leh buhfai ip khat pek an ni.

T. Upa Lalchhuanmawia

Secretary,

Kawrthah Kohhran Ramthar Committee .

F.

1. Field hming : Ambassa Pastor Bial, Tripura Field

2. Khua/Mission Centre: Ambassa, Borochooudari, Mendi, Tuisakran, Aichukpohor, Gonta Khawthar, Gontachhora, Lalchhuri-I, Pachchalismel, Jiolchhora, Haduklau, Tankypara, Khawlian, Raipasa leh Kamalachhora.

3. Tlawh hun chhung: 16th – 17th Mar 2013

4. Tlawhtu Kohhran : Kawrthah Kohhran

5. Kal zat : Mipa -12 ,hmeichhia – 9

6. Tlawh chhan : Ramthar Kohhrante tisa leh thlarau lama an dinhmun hriatpui.

7. Senso : Rs.35,100.00

8. Lawmna lam : Bialtu Pastor Rev.Lalnghaihawma leh thawktu dangten min dawngsawng țhain, an Bial chhung Kohhran hrang hrang kan tlawhte'n min kaihruai tam êm êm a. An inpêkna a thûkin, Kohhran hrang hrangte nen an inpumkhatna a ropui a,a lawmawm tak zet a ni.Kohhrante member tlêmtê tê leh tisa lama tlabal tak tak ni mah se, Pathian fak leh chawimawi nuam an tih zia te, țawngțaia țhahnem an ngaih zia leh an bul vela thlarau bote an veizia han hmuh chuan insit a na duh ngei mai. Chutih rualin,țhahnemngaihna thar min pein hlawkthlak kan ti hle a ni.

9. Thu belh: Ambassa Pastor Bialah hian Kohhran 21 an awm a, chung zinga Kohhran 15 chu tlawh an ni. Kohhran hrang hrangte tisa lamah an pachhiain, Kohhran mamawh la neih loh an ngah hle mai a,țanpuina tur kawng hrang hrang a inhawng a ni.An thlarau lam nun a ngheh zela, an

thanlen zel nan te, thlarau bo lainatna an neih zel nan te leh Lalpa ram a zau zel nan tawngtai pui zel ang u.

Sangkhuma Colney, Secretary,
Ramthar Committee, Kawrthah Kohhran

G.

1. **Field hming** : Tripura Mission Field
2. **Khua / Missision Centre** : Tuidu
3. **Tlawh hun chhung** : 5th – 13th Mar 2013
4. **Tlawhtu Kohhran** : Khawzawl Venglai Kohhran
5. **Kal zat** : Mipa -14, hmeichhia – tel lo
6. **Tlawh chhan** : Tuisakapur Kohhran Biak In sak. (A dung 48 ft, avang 18 ft, skirting chin concrete, a chung leh a bang rangva)
7. **Senso** : Rs. 232,395.00
8. **Lawmna lam** : Tuidu Mission compound a awmte'n min lo dawngsawng tha hle a. Tin, Pu Ramchhanngama'n zanriah tuihnai tak min lo buatsaihsaka, kan puarin kan lawm hle a. Tuisukapur Kohhran mipuite'n nitin min tawawm thin a, hnathawka kalte'n taima takin hna an thawk a, Tuisukapur Kohhrante'n anmahni hnam eirawngbawl dan dik takin vawihnih chawhlui min buatsaih sak bawka, kan lawm hle.
9. **Thu belh** : Tuisakapur Biak In kan sak zawhah hian Pulpit, Pulpit long chair, Maicham, Maicham chair leh *Lectern*, sana lian pahnih, khawzawl Venglai Pavalai Pawl te siam, Pu Laldinsanga'n mawi taka rawng a kah chu dah a ni.

Vanlallawma,
Secretary, Ramthar Committee,
Khawzawl Venglai Kohhran.

H.

1. **Field hming**: Home Mission South
2. **Khua / Missision Centre**: Zawlpui Kohhran
3. **Tlawh hun chhung** : 1- 6, July, 2013
4. **Tlawhtu Kohhran** : Hmunthar Kohhran, Kulikawn
5. **Kal zat** : Mipa -17 , hmeichhia – tel lo
6. **Tlawh chhan** : Biak In Thuthleng siam

7. **Hnathawh** : Biak In Ṭhutthleng siam

8. **Senso** : Rs. 66,200/-

9. **Lawmna lam**: Kohhrante'n min lo dawngsawng ṭha hle a, kan thlen ni tlaiah Kohhrante'n zanriah min lo buatsaihsak a, kan chām chhūng hian Bialtu Pastor C. Lalruatkima leh Upate leh Missionary-te'n min ṭawiawm ṭha hle a, an chungah kan lawm hle a ni. Thawktute pawh inlungual takin hna an thawk ho thei a, Nilaini zan inkhawmah kan Team Leader Upa RS Zakima thusawina hun an pēk bâkah inpawlkhawmna ṭum 2 kan nei thei baw a, kan lawm hle.

10. **Lawmna lo lam**: Pathian biak inkhawm an ngai pawimawh taw lo deuh va, Kohhran dangte beihna an taw ve a, tun hnaiah pawh blanket sem avānga Kohhran chhuahtsan chhungkaw 7 lai an awm chuan rilru a tina duh hle.

11. **Thu belh** : Kan hnathawh tur Biak In Ṭhutthleng siam tura kan ruahman 10 kan siam zawh bâkah Sikul Dawhkan 18, ṭhutthleng 17, Khuangpui Bawm leh Pulpit thutthlengsei dah kâna kan siamsak thei baw a ni. Kan Kohhran mi Pu SR Thanghmingliana, Mistiri-in ama sum sêngin Pulpit ṭhutthlengsei leh Maicham ṭhutthleng tur 2 a siamsak chu kan pe nghal baw a, an lawm hle a ni.

H. Lalchhandama

Ziaktu,

Ramthar Feh

I.

1. **Field Hming**: Assam Mission Field

2. **Khua/Mission Centre hming**: Guwahati

3. **Thawh hun chhung**: Ni 24 - 28. Oct, 2013

4. **Tlawhtu/Kohhran Address/Committee**: Ramhlun Vengchung Kohhran, Aizawl.

5. **Kal zat**: Mipa - 14, Hmeichhia - 9, An vaiin mi 23.

6. **Tlawh chhan**: Field fan / tlawh

7. **Hnathawh/thil tih**: Ni 26.10.2013(Inrinni) ah Kohhran pathum, Japoubari leh Lalpani kan tlawh a, ni 27.10.2013 (Pathianni) ah Group

4 ah inthenin Kohhran pali Bhairabkunda, Sapongaon, Tamulpur leh Satribari (Guwahati) kan tlawh a. Pathianni chawhma inkhawm thuhrl rawngbawl hna hi field tlawhtute min chantir vek a, chawhnu inkhawm neihna hmun Bhairabkunda-ah pawh hun min chantir bawk.

8. Senso zat: Rs 1,26,300/-

9. Lawmawm lam: *Field* tlawha kan zin chhung zawngin buaina leh harsatna tawh lovin Pathianin min veng a, lawmawm kan ti hle. Assam Mission Field, Guwahati-a thawktute zawng zawngin min lo lawmin min duat a, kan tlawh tur hmun apiang ah min hruai a, ei leh in min buaipui vek bawk a, an chungah kan lawm hle. Ni 27.10.2013 (Pathianni) a puitling panga leh mipa naupang pakhatin Guwahati Mission Centre (Satribari)-a baptisma an chan lai a kan awm ve chu vannei ka in ti hle.

10. Thu belh: Kan ei leh in man leh tul an tihna apianga an lo hman atan Field Secretary leh Guwahati Pastor Bial vawngtu hnenah Rs 55,00/- hnutchhia a ni.

T.C. Vanlalhmua, Secretary

Ramthar Committee

RamhlunVengchung Kohhran,

J.

1. Fieldhming: Arunachal & Assam Field (East)

2. Khua / Mission Centre : (1) Housing (2) Kharsang Kohhran

3. Tlawh hun chhung: 20th – 30th Sept. 2013

4. Tlawhtu Kohhran: Ramhlun Venglai Kohhran

5. Kal zat: Mipa -11, Hmeichhia – 15

6. Tlawh chhan: Gospel crusade

7. Hnathawh : 23-25 Sept., 2013 chhûngin Housing Kohhranah Rev. Darkhuma, Thusawitu atân hmangin Crusade neih a ni a. Zai pawl nen tângkawpin crusade hlimawm leh hlawk tak neih a ni. Sermon wawi 9 leh Zai pawl zai wawi 21 leh *counselling class* tum 3 leh tawngtai Bethel wawi 3 leh zaikhawm wawi 2 neih a ni.

26-27 Sept., 2013 chhûngin Kharsang Kohhranah crusade neih leh a ni a. Zing kâr leh chhun hun remchangah ringtu leh ringlote inah inkhawm tura sâwm leh tawngtaiin hun hman a ni. Damlo mi engemaw zat hnenah Thuhrltuin tihdam rawngbâwl hna a thawk bawk a ni.

8. Senso : Cheng 1,51,300/-

9. Lawmna lam : Arunachal East Field-a rawngbâwlina kan neih chhûngin Evangelist-te pawla insiamin ei rawng min bâwlsak a, an thawkrim hle. Field Secretary Rev. P.B. Mankima leh Missionary dangte'n kawng hrang hrangin min tanpuin min tawiawm nasa a, an inpêknaah kan lawm takzet a ni.

Crusade kan neih chhûngin ring thar inkhawm ngaihsak tha duh loten Biak In an rawn pan thar leh a, taksa chetna change pawh hmuh tur an awm a, lawmawm kan ti hle. Tin, ring lo tak takin kan inkhawm an rawn chhim ve a, an thinlungah Lalpan hna a thawh chhunzawm zêl kan beisei tlat a ni.

10. Thu belh:

a) Housing Kohhran tan Crusade-a kal mi thahnemngaite'n *Ceiling Fan* 6 an leisak.

aw) Field Secretary hnên ațanga Crusade senso cheng 30,000/- kan dawn chu New Khamlang Kohhran hman tur Generator lei nan pêklêl leh a ni.

b) Kharsang Kohhran hnenah Silpouline 1 pêk a ni bawk.

Rohmingthanga Colney, Secretary
Ramthar Committee,
Ramhlun Venglai Kohhran

• • •

Kan chanchinbu bi a têt deuh avângin Ramthar Feb chanchin bi duh angin kan rawn tibhbuak hma thei thin lo va, a rawn theblât bmasa apiang a remchan dan ang anga rawn tibhbuah thin a ni a, Kohhranbovin dawbthei taka in Kohhran Ramthar Feb chanchin lo ngaichang tura ngen in ni e....Ed.

‘RAMTHAR’ KUM 10+ SEM LAWMMAN LATUTE

141.	Pu R. Laltana	Saron veng	2000 – 2012
142.	Pu Lalzawngliana	Ramhlun	1997 – 2012
143.	Pu Lalnunthluanga	Kawnpui Venglai	2000 - 2012
144.	Upa Sangthuama	Melbuk	1995 – 2012
145.	Pu Dengchhunga	Durtlang North	1984 – 2012
146.	Pu Lalfamkima	Saitual	1996 – 2013
147.	Upa Rangchhunga	Keifang Mel veng	2003 – 2013
148.	Upa K.Thuamluaia	Sawlung Hmuntha	23/01/13
149.	Pu R. Kapthanga	Bungtlang bazar	04/02/13
150.	T.Upa C.Lalkima	Bilkhawthlir	1995 - 2013
151.	Pu.R.Vanhnuaitthanga	Chawngtlai	1990 – 2013
152.	Pu R. Kapthanga	Bungtlang Bazar	08.02.2013
153.	T. Upa Chalkima	Bilkhawthlir	27.02.2013
154.	Pu R.Vanhnuaitthanga	Chawngtlai	05.03.2013
155.	Pu Kaphunga	Leitan	2001-2013
156.	Upa H. Lalngchinglova	Champhai Vengthlang	15.05.2013
157.	Upa H. Thangliana	Champhai Vengthlang	15.05.2013
158.	Upa Lalnggheta	Thingdawl	21.05.2013
159.	Upa Thangvela	Lungmuat	27.05.2013
160.	Pi Biaksangi	East Lungdar	10.06.2013
161.	Pu V. Lahnema	East Lungdar	18.06.2013
162.	Pu B. Lalrinpuia	East Lungdar	18.06.2013
163.	Pu F. Malsawma	East Lungdar	18.06.2013
164.	Upa CH. Zakhawla	Kawnmawi	25.06.2013
165.	Pu K.L.Zamvela	Dawrpui	27.06.2013
166.	Upa Thlengliana	Bazar Veng Lunglei	11.07.2013
167.	Pu Lahnema	Zawlsei	15.07.2013
168.	Pu C. Vanlallawma	Khatla ‘N’	15.07.2013
169.	Pu F. Lalbuatsaiha	Champhai Bethel	16.07.2013
170.	Pu R. Laldinpuia	Tuikual	12.08.2013
171.	Upa Thanghulha	Vanchengpui	22.08.2013
172.	Pu C. Vanlalrawna	Leitan Ramthar	05.09.2013
173.	Upa K. Zonundanga	East Lungdar	27.09.2013
174.	Upa P.C. Awliana	Hmar Bukpui	18.10.2013
175.	Upa Lalsangliana	Dampui	25.10.2013
176.	Upa V.L. Puitua	Assam Rifle Kohhran	29.10.2013
177.	Upa Tlângthawvenga	Phulpui	30.10.2013
178.	Upa Ramchhanliana	Chhippui	31.10.2013
179.	Upa Laichhûnga	Chawllhmun	01.11.2013
180.	Pu Lalbiakênga Fanai	Chaltlâng	06.11.2013
181.	Pu Lalhmingmawia	Kelkâng	27.11.2013
182.	Pu Lalremmawia Sailo	Saitual Chhim Veng	05.12.2013

• • •

**2013 DECEMBER THLENGA REPORT KAN
DAWNA MISSIONARY CHAWM TAM 20 TE**

Sl. No.	Chawmtu Kohhran	Chawm zat
1.	Chanmari Kohhran	382
2.	Zarkawt Kohhran	355
3.	Bungkawn Kohhran	300
4.	Chhinga Veng Kohhran	289
5.	Khatla Kohhran	268
6.	Zemabawk Kohhran	250
	Dawrpui Kohhran	250
7.	Electric Veng Kohhran	247
8.	Dinthar Kohhran	200
9.	Mission Veng Kohhran	185
10.	Ramhlun North Kohhran	160
11.	Aizawl Venglai Kohhran	158
12.	Chanmari West Kohhran	145
13.	Kulikawn Kohhran	137
14.	Ramhlun Kohhran	133
15.	Bethlehem Veng Kohhran	125
16.	Bawngkawn Kohhran	120
	Ramhlun Venglai Kohhran	120
17.	Champhai Vengthlang Kohhran	115
18.	Tuikual Kohhran	114
	Bethlehem Venglai Kohhran	114
19.	Zemabawk North Kohhran	110
	Champhai Kahrawt Kohhran	110
20.	Kolasib Diakkawn Kohhran	108

Kum a lo thar leh ta a, Pathian lehkhha thuin min zirtir anga missionary chawm tam lama kan thlen chin aṅanga hmasawn ṭheuh turin Kohhran tinte ngen leh beisei kan ni e.

• • •



Ni 3.10.2013(Ningani) Gangaganj Bial (Lucknow Field)-a puanthui zirte Graduation Day . An zinga 5 hian baptisma an chang



**2013 SHMS KHAWMAWI
HOME MISSION SOUTH**

COUNSELLING MAMAWHITE TÂN

Mimal, nupa, fanâu, chhôngkua, nûlât thungval, ringtu nun adt.-ah harsatna i neih chuan Family Guidance & Counselling Centre pan thîn la, an lo fanpui ang che. Telephone leh Internet hmang pawhin biakrâwn theih an ni:

Main Centre: Mission Veng, Aizawl - Ph.03892324443

Branch Centre: Chanmari, Aizawl - Ph. 03892306693 - email: synodlgcc@gmail.com

Postal Regn. No.MZR/46/2012 - 2014

RNI Regn. No.40889/ 88



Rowlands Memorial High School, Staff Karimganj,
- 2013 - Assam Sikul tha zinga lang phak a ni



Nepal Mission Field
Ni 5-7 Nov. '13 chhung khan Katari Fellowship Biak
Inah NPYF (NKTP) Inkhawmpui wawi 9-na leh
Zaipawl Intihsiak hlawhtling taka ncih a ni a

To RAMTHAR

If not delivered please return to:
The Manager
Ramthar Chanchinbu
Synod Office, Aizawl, Mizoram,

**Published by Rev. Lalchhuanmawia and Printed at the
Synod Press, Aizawl on behalf of Ramthar Association,
Aizawl, Mizoram. Bu - 27,800
Visit us: www.mizoramsynod.org**